


1588

3^e Pair 17 12

COPPIE
D'VNE LETTRE

ESCRITE AV ROY; ET
EXTRAICT D'VNE AVTRE
aux Princes & Seigneurs François,
le 17. iour de May dernier.

*Par Monseigneur le Duc de Guyse, Pair
& grand Maistre de France.*



A PARIS,
Iouxtre la coppie de Didier millot,
Avec permission.
1588.

THE NEWBERRY
LIBRARY
Case
F
39
926

158851
Paris
Bibliothèque de France



A PARIS
Bibliothèque de France



✻ *COPPIE DE LA LETTRE*
escrite au Roy, par Monsieur le Duc
de Guyse, le xvij. de May dernier.

SIRE,

E suis si malheureux que ceux qui
 de long temps par beaucoup d'ar
 tifices, ont tasché de m'eslogner
 de vostre presence & de vos bonnes gra
 ces, ont eu tant de pouuoir de redre inu
 tiles tous les bós desseins que i'ay fait de
 m'en approcher, & par mes seruices me
 rendre agreable à vostre majesté. Ce que
 i'ay ces iours passez plus esprouué que ia
 mais, à mon tresgrand regret. Car estant
 lassé de tant de faux bruit & calomnies,
 dót on vsoit pour entretenir vostre Ma
 jesté en deffiance de moy, iay voulu avec
 le hazad dont l'on me menaçoit, iustificier

A ij

ma vie, ayant prins resolutiō de la venir
trouuer en si petite cōpagnie & avec tāt
de confiāce & frāchise que iesperois par
ce moyen faire vœir, & à chacun, que i'e-
stois fort esloigné de ce, dont mes malue-
illans taschoiēt, avec tāt d'artifices, de me
rēdre suspect: mais les ennemis du repos
public, & les miens. ne pouuans souffrir
ma presāce de vous estimāt que dans peu
de iours, elle descouuriroit les impostu-
re, dont lon vsoit pour me rendre odie-
ux & peu a peu me dōneroit place en
vos bonnes graces, ont mieux ayne par
leur cōseil pernitiex se mettre toutes
choses en confusion, & vostre estat, &
vostre ville de Paris, en hazart. que den-
durer que ie fusse aupres de vous leur
mauuaise volonté sest manifestement
recōgnue en la resolutiō, que sans lescu
dela Roine vostre mere, & cōtre laduis
de vos plus sages cōseilliers, ils ont faict
preuue à vostre maieste de mettre par
vne voye inusitee, & en vn tēps pleinde

soubçon & partialités, des forces en
vostre ville de Paris, pour occuper les
places publiques d'icelles. Et la voix cō-
mune public qu'ils esperoyēt, apres les-
tre rēdus maistres, pouuoir encores vous
induire à beaucoup de choses, toutes a-
lienes de vostre bonnature? & que j'ay-
me mieux passer soubs silēce. L'effroy de
celà, SIRE, à contraint vos bōs & fidelles
sujets de s'armer, pour la iuste crainte
qu'ils ont, en ce que par ceste voye on ne
voulust executer ce dont, on les mena-
çoit long temps auparauant. Dieu par sa
saincte grace a cōtenu les choses en meil-
leurs termes qu'on ne les pouuoir espe-
rer, & a cōme miraculeusement, conseruē
nostre ville d'vn tres-perilleux hazard:
& le cōmencement, la suite & l'euenē-
ment de cēt affaire a tellemēt iustificié mes
intētions, que j'estime que vostre majesté
& tout le mōde, cōgnoit assez clairement
par là cōbiens mes deportemens sont es-
loignez des desseins dont mes calomnia-

teurs m'ont voulu rendre coupable. La forme de laquelle ie me suis volontairement ietté en vostre puiffâce monstre la confiance que i'ay prins de vostre bonté, & la sincerité de ma cōsciēce. L'estat auquel on me trouua lors que i'euz les premiers aduis de ceste étreprise, & de quoy vous peuuēt tesmoigner plusieurs de vos seruiteurs, fait assez cōgnoistre que ie n'auois doubte d'estre offancé, n'y voulōté dentreprendre estant plus seul & desarmé, en ma maison, que ne peut & doit estre vn de ma qualité. Le respect don i'ay usé, me contenāt dans les simples bornes d'vne iuste deffiance, vous tesmoignēt assez que nulle ocasion ne me peut faire de choir du debuoir d'vn tres-humble sujet. La peine que i'ay prinse pour contenir le peuple & empecher qu'il ne vint aux effects, qu'amenent le plus souuent tels accidens, me escharge des calomnies que l'on m'a cy deuant imposees: Que ie soulois troubler vostre ville de Paris. Le sou-

cy que i'ay prins de conseruer ceux mes-
mes que ie nignorois poit de mauoir fait
de mauuais offices enuers vous à la susci-
tation de mes ennemis fait voir à chacun
clairemēt que ie n'ay iamais eu intention
d'attempter aucune chose cōtre vos ser-
uiteurs & officiers, comme l'on ma fauce-
ment accusé, La façon dont ie me suis cō-
porté enuers vos Saysses & enuers leurs
capitaines & soldats de vos gardes, assu-
re assez que ie nay iamais rien tant craint
que de vous deplaire. Si vostre majesté à
sceu toutes ces particularites, cōme i'esti-
me, que plusieurs de vos bons seruiteurs
aymans le repos public, qui en sont tes-
moins, ne les luy auons pas celee, ie tiés
pour assuré qu'elle demeure par la es-
carcie que ie n'ay iamais eu la moïdre des
mauuaises intentions dont mes ennemis
par faux bruits, mont voulu rendre odi-
eux. Et i'espere SIRE, que la fin en don-
nera encores plus assuré tesmoignage,
ayant receu vn des plus grāds desplaisirs

qui me pouoient aduenir quand i'entē-
dis que vostre maieste auoit prins resolu-
tion de s'en aller: dau tāt que le subit par-
tement m'osta le moyē de pouuoir (com-
me i'auois enuie) accomoder toutes cho-
ses à vostre contētemēt, & à cela ie les voy-
ois disposees, lors que la Roÿne, vostre
mere, me feit cet honneur de venir ceans
dequoy ie luy ay donē tels tesmoignages
que i'estime qu'elle les peut tenir certins.
Puis que ie ne peüz lors, Siré, ie continu-
ray c'este mesme voulonté, & espere me
comporter en sorte que vostre maiesté me
jugera tresfidele subiet & seruiteur qui
ne desire rien tant que en bien faisant, &
pourchassant le biē de vostre Royaume:
acquérir l'heur de ses bonnes graces, les-
quelles ie ne cesseray iamais derecher-
iufque a ce que Dieu m'en ayt presenté le
moyen, lequel ie prie, S I R E, donner à
vostre Maiesté &c. De Paris ce 17. May.

1588.